

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1330

原始資料: 蕭鎮國大德提供, 北美某大德提供

No. 1330

囉嚩拏說救療小兒疾病經

西天譯經三藏朝散大夫試光祿卿明教大師臣法賢奉 詔譯

爾時囉嚩拏。觀於世間一切小兒。從其初生至十二歲。並在幼稚癡騃之位。神氣未足鬼魅得便。有十二曜母鬼遊行世間。於晝夜分常伺其便。或因眠睡或獨行坐。於此之際現作種種差異之相。驚怖小兒令其失常。噲取精氣。因成疾病遂至殤夭。我見是事深所哀愍。我今為說十二曜母鬼。執魅小兒年月時分所患疾狀。及說大明救療之法。乃至作法出生祭祀儀則。若復有人聞我所說。有疾患者時持明人。依於我法而作救療發至誠者。定獲輕[魔-((白-日)/田)+(美-大)]安樂吉祥。十二曜母鬼名者所謂摩怛哩難那(一)蘇難那(二)哩嚩帝(三)目佉曼尼迦(四)尾拏隸(五)設俱儻(六)布多曩(七)輸瑟迦(八)阿哩也迦(九)染婆迦(十)必隸水砌迦(十一)塞健馱(十二)。

如是等十二曜母鬼。執魅小兒為求祭祀。我今各各說其執魅相狀。若復小兒於初生日初生月初生年被執魅者。是摩怛哩難那母鬼所執。其小兒先患寒熱。身體瘦弱漸漸乾枯。心神荒亂身常顛掉。啼哭不食者。持明人於二河岸取土。作患小兒像。於四方曼拏羅內。面西安小兒像。復於曼拏羅設種種香華。及白色飲食乃至酒肉等。復設七座幢燃七盞燈。復用白芥子野狐糞貓兒糞安悉香蛇皮。以如是等藥用黃牛酥。同和為香燒薰小兒。復用蓖麻油麻荊子。或用葉及華芡羅樹葉嚩囉迦藥。如是五藥以水煎之沐浴小兒。即誦大明。加持如上曼拏羅中祭食及種種物。誦大明白。

唵(引)曩謨囉(引)嚩拏(引)野(一)怛賴(二合)路枳也(二合)尾捺囉(二合引)鉢拏(引)野(二)賀曩嚩日哩(二合引)拏(三)沒囉(二合)憾摩(二合)難儻曩(四)摩(引)哩迦(二合)嚩閉拏(五)摩(引)怛哩(二合)難那(引六)嚩囉嚩囉(七)輸瑟迦(二合)輸瑟迦(二合八)捫左捫左(九)俱摩(引)囉崗娑嚩(二合引)賀(引十)

如是誦大明加持已出於城外。以日中時面東。祭摩怛哩難那母鬼。所有祭食香華等物隨處棄擲。所患小兒速得除瘥。

復次小兒於初生後。第二日第二月第二年得患者。是蘇難那母鬼所執。其小兒先患寒熱作荒亂相。合眼不食手足畜擗腹內疼痛吐逆喘息者。持明人當用米粉一斗。作病小兒像面西。安曼拏羅中。復於曼拏羅設種種上妙香華飲食及酒肉等。復用白色幢四座燃燈四盞。復用安悉香蒜蛇皮白芥子貓兒糞酥。同和為香燒薰小兒。又同前用五藥水沐浴小兒。即誦大明。加持如上曼拏羅中祭食及種種物即說大明白。

唵(引)曩謨囉(引)嚩拏(引)野(一)怛賴(二合)路枳也(二合)尾捺囉(二合引)波拏(引)野(二)贊捺囉(二合)賀(引)娑馱哩尼(三)入嚩(二合)[口*(隸-木+士)]多賀娑多(二合引)野(四)賀曩賀曩(五)那賀那賀(六)怛哩(二合)輸隸曩努瑟吒(二合)屹囉(二合)賀(引七)儻訖哩(二合)多野儻訖哩多野(八)祖沙野祖沙野(九)賀曩賀曩(十)蘇難那捫左捫左(十一)俱摩(引)囉崗娑嚩(二合引)賀(引十二)

如是誦大明加持已出於城外。以戌時面西。祭蘇難那母鬼。所有祭食香華等物隨處棄之。所患小兒速得除瘥。

復次小兒於初生後。第三日第三月第三年得患者。是哩嚩帝母鬼所執。其小兒忽然驚悸。叫呼啼哭身體疼痛。寒熱無恒頭面顫動。顧視自身漸漸羸弱。不思飲食以至枯瘦者。持明人當用種種上味肉食及生肉生魚酒等。設紅色幢八座燃燈八盞。復用尾螺樹葉安息香蛇皮蒜貓兒糞白芥子等。用酥同和燒薰小兒。及同前五藥煎以水。沐浴小兒即誦大明。加持如上曼拏羅中祭食及種種物。即說大明日。

唵(引)曩謨囉(引)嚩拏(引)野(一)捺舍嚩那曩(二)贊捺囉(二合)賀(引)娑(引)野(三)鉢囉(二合)入嚩(二合)[口*(隸-木+士)]多賀娑多(二合引)野(四)賀曩賀曩(五)那賀那賀(六)摩哩那(二合)野摩哩那(二合)野(七)努瑟吒(二合)屹囉(二合)[亢*欠](八)謨吒野謨吒野娑嚩(二合引)賀(引九)

如是誦大明加持已出於城外。以戌時面向北。祭哩嚩帝母鬼。所有祭食種種物等隨處棄之。所患小兒速得除瘥。

復次小兒於初生後。第四日第四月第四年得患者。是目佉曼尼迦母鬼所執。其小兒先患寒熱。欬癆吐逆身顫垂頭。啼哭手搔兩目顧視人面。不思飲食饒大小便者。持明人當於河兩岸取土。作病小兒像。面西安曼拏羅內。復設種種香華。及生熟肉食并酒果等。又用紅色幢四座燃四盞燈。復用兜羅子蛇皮貓兒糞牛角虎爪白芥子等。同和為香燒薰小兒。復用同前五藥水沐浴小兒。即誦大明。加持如上曼拏羅中祭食及種種物。即說大明日。

唵(引)曩謨(一)沒囉(二合)憾摩(二合引)尾鉢努(二合)摩呬濕嚩(二合)囉(二)塞剛(二合)那虎多(引)設曩(三)目佉曼尼迦(引四)賀曩賀曩(五)摩哩那(二合)野摩哩那(二合)野(六)儻訖哩(二合)多野(七)儻訖哩(二合)多野(八)佉(引)呬佉(引)呬(九)娑誑嚩帝(十)目佉曼尼迦(引)娑嚩(二合引)賀(引十一)

如是誦大明加持已出於城外。用戌時面向南。祭目佉曼尼迦母鬼。所有祭食種種物等隨處棄之。所患小兒速得除瘥。

復次小兒初生後。第五日第五月第五年得患者。是尾拏[口*(隸-木+士)]迦母鬼所執。其小兒先患心神恍惚。多發瞋怒。寒熱不恒欬癆吐逆。身忽生瘡如水泡相。眼視虛空不思飲食。漸漸羸瘦腹陷不現者。持明之人當造白色飲食及酒肉等。設白色幢五座燃燈五盞并種種香華等。復用安息香蒜蛇皮貓兒糞白芥子等。用酥同和。為香燒薰

小兒。復用同前五藥水沐浴小兒。即誦大明。加持如上曼拏羅中祭食及種種物。即說大明日。

唵(引)曩謨囉(引)嚩拏(引)野(一)怛賴(二合)路迦也(二合)尾捺囉(二合引)波拏(引)野(二)尾拏(引)[口*(隸-木+士)]迦(引)尾拏(引)[口*(隸-木+士)]迦(引)謨乞叉(二合)野(三)謨乞叉(二合)野(四)賀曩賀曩(五)贊捺囉(二合)賀(引)細曩(六)捫左捫左(七)尾拏(引)[口*(隸-木+士)]迦(引)娑嚩(二合引)賀(引八)

如是誦大明加持已出城外。於日中時面西。祭尾拏[口*(隸-木+士)]迦母鬼。所有祭食種種等物隨處棄之。所患小兒速得除瘥。

復次小兒初生後。第六日第六月第六年得患者。是設俱儻母鬼所執。其小兒先患寒熱或笑或啼。身體顫動而有穢氣。不思飲食漸漸羸瘦者。持明人用米粉一斗。作病小兒像。面西安曼拏羅中。復設種種香華飲食酒肉及乳粥等。復設白色幢四座燃燈四盞。復用安息香蒜蛇皮貓兒糞白芥子酥。同和為香燒熏小兒。復用同前五藥水沐浴小兒。即誦大明。加持如上曼拏羅中祭食及種種物。即說大明日。

唵(引)曩謨婆誑嚩帝(一)囉(引)嚩拏(引)野(二)朗俱濕嚩(二合)囉(引)野(三)必哩(二合)多尾捺囉(二合)鉢拏野(四)嚩日哩(二合)拏賀曩賀曩(五)設俱儻捫左捫左(六)俱摩(引)囉崗娑嚩(二合引)賀(引七)

如是誦大明加持已出於城外。於戌時面向南。祭設俱儻母鬼。所有祭食種種物等隨處棄之。所患小兒速得除瘥。

復次小兒初生後。第七日第七月第七年得患者。是布多那母鬼所執。其小兒先患寒熱身體疼痛。多大小便常拳二手。不思飲食漸漸羸瘦者。持明人用吉祥草作病小兒像。面西安曼拏羅中。復用種種紅色華及造紅色飲食酒肉等。復設白色幢八座燃燈八盞。復用安息香蛇皮屍髮虎爪[寧*頁]摩樹葉貓兒糞白芥子酥。同和為香燒熏小兒。復同前用五藥水沐浴小兒。即誦大明。加持如上曼拏羅中祭食及種種物。即說大明日。

唵(引)曩謨婆誑嚩帝(一)囉(引)嚩拏(引)野(二)朗俱濕嚩(二合)囉(引)野(三)必哩(二合)多尾捺囉(二合引)鉢拏(引)野(四)俱摩(引)囉屹囉(二合)賀(五)儻訖哩(二合)覩(六)賀曩賀曩(七)祖蘭拏(二合)祖蘭拏(二合)娑嚩(二合引)賀(引八)

如是誦大明加持已出於城外。以戌時面向西方。祭布多那母鬼。所有祭食種種物等隨處棄之。所患小兒速得除瘥。

復次小兒初生後。第八日第八月第八年得患者。是輸瑟迦母鬼所執。其小兒先患寒熱。作荒亂相身體疼痛。眼不見物垂頭無力。身出穢氣不思飲食者。時持明人用米粉一斗。作黑羖羊一頭。以頭向西安曼拏羅內。復用香華乳粥上味飲食及酒肉等。復設白色幢五座燃燈五盞。復用安息香娑惹囉娑蛇皮蒜白芥子貓兒糞酥等。同和為香燒熏小兒。復用同前五藥水沐浴小兒。即誦大明。加持如上曼拏羅中祭食及種種物。即說大明日。

唵(引)曩謨囉(引)嚩拏(引)野(一)怛賴(二合)路迦也(二合)尾捺囉(二合引)鉢拏(引)野(二)入嚩(二合)羅入嚩(二合)羅(三)鉢囉(二合)入囉(二合)羅鉢囉(二合)入嚩(二合)羅(四)賀曩賀曩(五)吽發吒(半音)娑嚩(二合引)賀(引六)

如是誦大明加持已出於城外。於戌時面向南方。祭輸瑟迦母鬼。所有祭食種種物等隨處棄之。所患小兒速得除瘥。

復次小兒初生後。第九日第九月第九年得患者。是阿哩也迦母鬼所執。其小兒先患寒熱。身顫啼哭遍身疼痛。口吐涎沫吐逆不止。或垂頭頸或目返視。不思飲食者。持明人用米粉一斗。作白色殺羊一頭。用白色香塗羊。以頭向西安曼拏羅內。復設種種香華上味飲食酒肉等。復設白色幢四座燃燈四盞。復用蛇皮為香燒熏小兒。復用同前五藥水沐浴小兒。即誦大明。加持如上曼拏羅中祭食及種種物。即說大明日。

唵(引)曩謨朗迦(引)地鉢多曳(一)朗闍濕嚩(二合)囉(引)野(二)賀曩賀曩(三)鉢左鉢左(四)吽吽(五)發吒(半音)娑嚩(二合引)賀(引六)

如是誦大明加持已出於城外。以戌時面向北方。祭阿哩也迦母鬼。所有祭食種種物等隨處棄之。所患小兒速得除瘥。

復次小兒初生後。第十日第十月第十年得患者。是染婆迦母鬼所執。其小兒先患寒熱。忽作惡聲吐逆不止。多大小便。饒患眼目及患牙齒。不思飲食者。時持明人取河兩岸土作小兒像。用牛黃塗像。面西安曼拏羅中。復設種種香華及上味飲食酒肉等。復用安息香雞翅牛角蛇皮人骨猫兒糞白芥子酥。同和為香燒熏小兒。復用同前五藥水沐浴小兒。即誦大明。加持如上曼拏羅中祭食及種種物。即說大明日。

唵(引)曩謨婆誡嚩帝(一)嚩酥儺嚩(引)野(二)囉摩拏毘摩嚩播野(三)賀曩賀曩(四)牛發吒(半音)娑嚩(二合引)賀(引五)

如是誦大明加持已出於城外。以戌時面向南方。祭染婆迦母鬼。所有祭食種種物等隨處棄之。所患小兒速得除瘥。

復次小兒初生後。第十一日十一月第十一年得患者。是水砌迦母鬼所執。其小兒先患寒熱。身體顫動指節疼痛。啼哭吐逆不思飲食。仰視虛空漸漸羸瘦者。時持明人當用黑豆粉一斗作患小兒像。用赤檀香塗已面西安曼拏羅內。復以種種香華飲食及酒肉等。布作二十五分。設二十五幢燒二十五燈。復用鴿糞鴿鴿翅人髮殺羊角猫兒糞白芥子以酥。同和為香燒熏小兒。復用同前五藥水沐浴小兒。即誦大明。加持如上曼拏羅中祭食及種種物。即說大明日。

唵(引)曩謨婆誡嚩帝(一)囉嚩拏(引)野(二)贊捺囉(二合)賀(引)娑(三)嚩也(二合)屹囉(二合)賀娑多(二合)野(四)入嚩(一合)羅入嚩(二合)羅(五)鉢囉(二合)入嚩(二合)羅鉢囉(二合)入嚩(二合)羅(六)賀曩賀曩(七)努瑟吒(二合)屹哩(二合)賀娑嚩(二合引)賀(引八)

如是誦大明加持已出於城外。以戌時面向西方。祭水砌迦母鬼。所有祭食種種物等隨處棄之。所患小兒速得除瘥。

復次小兒初生後。第十二日第十二月第十二年得患者。是塞健馱母鬼所執。其小兒先患寒熱。瞋目視人又如期剋人相畜搦手足及畜腹肚。漸漸羸瘦。不思飲食者。持明人用大麥麩作小兒像。面西安曼拏羅內。復以種種香華及上味飲食酒肉等。并設紅色幢八座燃燈四盞。復用牛角白芥子安息香蒜蛇皮猫兒糞酥等。同和為香燒熏小兒。復用同前五藥水沐浴小兒。即誦大明。加持如上曼拏羅中祭食及種種物。即說大明日。

唵(引)曩謨囉(引)嚩拏(引)野(一)怛哩(二合)布囉(二)尾曩(引)舍曩(引)野(三)能瑟吒囉(三合引)怛迦(二合)囉羅(四)娑(引)酥囉(引)野(五)贊捺囉(二合)賀細曩(六)賀曩賀曩(七)摩哩那(二合)摩哩那(二合八)難尼曩(九)尾捺囉(二合引)鉢野(十)尾捺囉(二合)鉢野(十一)塞健(二合)馱(十二)捫左捫左(十三)俱摩囉崗(十四)吽吽(十五)發吒(半音)發吒(半音)娑嚩(二合引)賀(引十六)

如是誦大明加持已出於城外。以戌時從於東方旋轉四方。祭塞健馱母鬼。所有祭食及種種物等隨處棄之。所患小兒速得除瘥。

爾時羅嚩拏。說是救療小兒疾病經已。歡喜而退。

囉嚩拏說救療小兒疾病經